

Vikufréttir

Vika 48 (29.11 – 03.12. 2020)

Mánudagur

- ✓ 1.bekk er boðið í Skallagrímssgarð til að vera viðstödd þegar kveikt verður á jólatrénu.

Þriðjudagur

- ✓ Nemendafélag Grunnskólans skreytir jólatréð í skólanum.

Miðvikudagur

- ✓ Fullveldisdagur

Fimmtudagur

- ✓ Skólaráðsfundur kl. 8:30
- ✓ Jólagleði á unglíngastigi

Föstudagur

- ✓

Annað:

Heilsuteymið vill benda á afar þarft og mikilvægt verkefni sem hófst 25.nóv. og lýkur 10 des. Verkefnið er **Alþjóðlegt 16 daga átak gegn kynbundnu ofbeldi**. Embætti landlæknis býður skólum upp á námsefnið *Örugg saman um samskipti kynjanna* sem er ætlað 9. og 10. bekk grunnskóla, sjá nánar hér: <https://www.landlaeknir.is/utgefing-efni/skjal/item33645>

Einnig viljum við benda á eftirtalda möguleika til að nota sem kynningarefni:

[https://www.stjornarradid.is/media/velferdarraduneyti-](https://www.stjornarradid.is/media/velferdarraduneyti-media/media/vitundarvakning/lokautgafa-leidarvisir.pdf)

[media/media/vitundarvakning/lokautgafa-leidarvisir.pdf](https://www.stjornarradid.is/media/vitundarvakning/lokautgafa-leidarvisir.pdf)

<https://stoppofbeldi.namsefni.is/>

Spakmæli:

“Að hrasa er slys. En að liggja áfram er ákvörðun”

Útgefandi: Grunnskólinn í Borgarnesi.
Ábm.: Guðdís Jónsdóttir

Kæru foreldrar/forsjáraðilar,

Í fyrra hóf Borgarbyggð vinnu við að innleiða Barnasáttmála Sameinuðu þjóðanna inn í allt starf sveitarfélagsins. Innleiðingin fer fram í samstarfi við UNICEF á Íslandi og félagsmálaráðuneytið og mun Borgarbyggð geta öðlast viðurkenningu sem Barnvæntsveitarfélag að ákveðnum skilyrðum uppfylltum.

Um verkefnið

Barnvæn sveitarfélög er verkefni sem styður sveitarfélög við að innleiða Barnasáttmála Sameinuðu þjóðanna inn í alla sína stjórnýslu og starfsemi. Verkefnið byggir á alþjóðlegu verkefni UNICEF, Child Friendly Cities Initiative, sem hefur verið innleitt í þúsundum sveitarfélaga út um allan heim frá árinu 1996. Íslenska líkanið byggir jafnframt á efni frá umboðsmönnum barna í Noregi og Svíþjóð og UNICEF í Finnlandi.

Þegar sveitarfélag innleiðir Barnasáttmálann með þessum markvissa hætti er markmiðið að nota Barnasáttmálann sem viðmið í sínu starfi og að forsendur sáttmálans gangi sem rauður þráður gegnum starfsemi þess. Líkja má innleiðingunni við að starfsmenn og stjórnáamenn sveitarfélagsins setji upp „barnaréttindagleraugu“ og rýni og skoði verk- og ákvarðanaferla með hliðsjón af sáttmálanum. Barnasáttmálinn er þannig nýttur sem gæðastjórnunarverkfæri í stefnumótun og þjónustu með tilliti til barna og réttinda þeirra.

Barnvænt sveitarfélag skuldbindur sig til þess að innleiða Barnasáttmála Sameinuðu þjóðanna og vinna markvisst eftir hugmyndafræði verkefnisins – sem byggir á fimm grunnþáttum.

Þeir eru:

- Þekking á réttindum barna.
- Það sem barninu er fyrir bestu.
- Jafnræði - að horft sé til réttinda allra barna.
- Þátttaka barna.
- Barnvæn nálgun.

Innleiðingarferlið

Innleiðingarferlið er hringrás og skiptist ferlið í 8 skref, sem sveitarfélag stígur með það að markmiði að gera réttindi barna að veruleika. Þegar fyrsta hring innleiðingarferlisins er lokið, sem tekur að lágmarki tvö ár, getur sveitarfélag sótt um viðurkenningu frá UNICEF á Íslandi. Viðurkenningin er háð því að matsnefnd Barnvænna sveitarfélaga meti sem svo að innleiðingarferlið hafi verið réttindum barna í sveitarfélaginu til framdráttar og að framkvæmd aðgerða í aðgerðaáætlun hafi verið lokið. Viðurkenningin gildir í þrjú ár frá viðurkenningardegi en til að viðhalda henni þarf sveitarfélag að halda innleiðingunni áfram, setja sér ný markmið og óska eftir nýju mati að þremur árum liðnum.

Samráð við börn og ungmenni

Einn mikilvægasti þátturinn í innleiðingu Barnasáttmálans í Borgarbyggð er að meta stöðu og velferð barna í sveitarfélaginu. Þetta stöðumat byggir á mörgum þáttum en ekki síst á því að leita eftir skoðunum og upplifunum barna á því hvernig hægt sé að gera sveitarfélagið að enn betri stað fyrir börn.

Börn búa yfir mjög verðmætri þekkingu á því hvað er vel gert og hvað megi gera betur. Þessa þekkingu vill sveitarfélagið nýta í innleiðingarvinnunni. Sveitarfélagið mun styðjast við ólíkar leiðir til að nálgast viðhorf og skoðanir barna í Borgarbyggð, m.a. verður haldið barnaþing en einnig hafa verið lagðar fyrir spurningakannanir fyrir börn. Foreldrar fengu þá einnig kynningarbréf svipað og nú á verkefninu og spurningakönnunum. Í

könnuninum var meðal annars spurt um þekkingu á réttindum barna samkvæmt Barnasáttmálanum og hvernig börnin upplifa möguleika sína til að koma skoðunum sínum á málefnum bæjarins á framfæri.

Það sem foreldrar geta gert

Foreldrar geta tekið virkan þátt í verkefninu með því að ræða við börnin sín um Barnasáttmálann og réttindi barna heima fyrir. Í þeim tilgangi má benda á vefsíðu sáttmálans, barnasattmali.is en þar má nálgast upplýsingar fyrir bæði börn og foreldra. Þá má nálgast frekari upplýsingar um verkefnið á heimasíðu þess barnvænsveitarfelog.is. Einnig hvet ég ykkur til að skoða saman með börnunum video um Barnasáttmálan á þessum hlekk hér → [Kafli 1 af 6 - Inngangurinn að Barnasáttmálanum - YouTube](#)

Með von um jákvæðar undirtektir,



Sóley Birna Baldursdóttir

Verkefnastjóri Barnvæns sveitarfélags